

Хар ернинг авом халки ўзи хакикат ва мохиятини англамагон холда динга нақадар эхтиром кўзи ила караса, эскидан колгон русум ва одатларга ҳам шул нисбатда эхтиром ва эътибор ила қарайдир. Хатто авом халкининг кўбиси диннинг амр ва наҳйлариндан юздан бирига амал қилмагон холда, ота-боболаридан колгон урф ва одатлардан четга чиқмаслик учун бор қучи ила тиришадир. Баногоҳ, бирор ишини урфга мувофиқ суратда қилолмас, «ёру дўстларим орасинда беобрўй бўлдим», деб қайгурадир ва ўзини нажотсиз санайдир.

Мана, биз Туркистон халки ҳам илмсизлигимиз сабабли турли маросим ва одатлар юки остинда эзилиб, мунинг учун ахлокий ва молий жихатдан гоят кўб зарарлар кўрмак-да бўлгон бир миллатмиз. Бизларни ўзига асир этиб олгон урфлардан энг кўб зарарли ва ёмонроги хатна, никохтўйлари билан аза маросимидир. Бизнинг халқ «мол ва жон кетса кетсун, обрўи кетмасун», деб хатна ёки никох ва ё аза маросимини ўрунга кетурмак учун қўлларинда бор нарсаларини 1-2 кунда барбод этадилар, қарздор бўлалар. Қарзларини адо эта олмагач, охири, «молни одам топар, одамни мол топмас», деб ўз бог ва ховлиларини сотиб, қарзла-рига бералар. Шул йўл билан бир ёқдан мол ва мулклариндан айрилиб дарбадар ва хору зор бўлалар. Иккинчи ёқдан хакикий обрўйлариндан ажралиб охиратга сафар эталар.

Биз Туркистон фақир халки неча йиллар Русиянинг золим ва мустабид қорларининг қўли остинда асир бўлуб, ҳеч бир жихатдан ўз ахлоқимизни ислох эта олмадик. Эски ҳукуматнинг биринчи мақсади ҳам, ўз қўл остиндаги гайри рус миллатини жаҳолат ва одати мазаррат остинда эздуриб охири руслашдирмок эди. Эмди андай ҳукумат бизнинг бошимизда йўқ. Хозирда ҳокимият фақир халқнинг ўз қўлиндадир. Ушбу вақтда Туркистон фақир халқи ўзининг илмий ва ижтимоий ҳолларини на тариқа ислох ва тараккий этдирмакчи бўлса, ихтиёри ўзиндадир. Бу тўғрида ҳеч қим анга монё бўлолмайдир. Балки ҳар қим ёрдам берадир. Мана, ушбу яхши фурсатни ганимат билиб илмий, ижтимоий ҳолларимизни ислох этмак, яъни чин илм ва маорифдан баҳра олмок ва ўз орамиздаги ёмон одатларни барҳам бермак барчамизга лозимдир. Биз юкорида ҳам айтдиким, хозирда бизнинг устимизда даҳшатли суратда ҳукмфармо бўлгон урф ва одатларнинг энг кўб зарарлироги хатна, никох тўйлари билан аза маросимидир. Бу маросимнинг баъзи ёмонрогини барҳам бермак ва баъзисини ислох этмак керақдир. Ушбу кунларда Тошқандда, муслмон шўроси ҳам шул урф ва одатларни ислох этиб бир қарорнома нашр этдиким, маҳаллий газеталарда ўқулди. Бизнинг фикримизча, хатна, никох тўйлари билан аза маросимини ушбу равишда ислох этмак тевишдир.

ХАТНА ТЎЙИ

Бизнинг туркистонлилар хатна тўйига кўб ахамият бериб, бир кундан 5-6 кунгача тўй килалар. «Базм», «кўбқари»лар бералар ва бу йўлда мингларча сўмни исроф ва барбод эталар. Холбуки, бу одат бизнинг Туркистондан бошка ўлкалардаги мусулмонларда йўқдир. Арабистон, Миср, Истанбул, Кафказ, Татаристон ва Эрон мусулмонлари болаларининг хатнаси учун тўй бермайлар, лоакал бир неча кишини чакириб зиёфат хам килмайлар. Факат пайгамбар суннатини бажо кетурмак ила иктифо эталар. Бизларнинг хам бу тўйрида аларнинг йўллари ила боришимиз керакдир. Хатна учун канча акчалар исроф этиб, тўй ва кўбқари бермак хожат эмасдир. Хатто хатна муносабати ила бола учун янги кўрпа-ёстуклар ёки турли рангда неча кабат янги кийимлар хозирламак ортикчадир. Мундан бошка мумкин кадар болаларни кичиклик вақтинда янги усул ила хатна килмок керакдир.

НИКОХ ТЎЙИ

Никох тўйинда икки турли ёмон одатимиз борким, алардан бир кисмининг ахлокий жихатдан, иккинчи кисмининг молий жихатдан кўб зарари бордир. Мана шул урфу русумларнинг баъзисини бутун бархам бермак ва баъзисини ислох этмак лозимдир. Никох тўйи зохиран бизнинг кўзимизга бир тўй каби кўрунса хам, лекин хакикатда ўзи беш тўйдир. Чунки, «Нон шиканон» (синдириш-Н.Н.), «Фотиха», «Никох», «Рўйи бинон» (юз очди-Н.Н.) ва «Домод талабон» (куёв чакирди-Н.Н.)нинг хар каюси бир тўйдирким, буларга мингларча сўм исроф бўладир. Бу тўйлардан «никох» ва «рўй бинон»дан бошқалари ортуқдир. «Нон шиканон»га 3-4 кишидан зиёда одам юбормак хожат эмас. Ўшандок «никох» ва «рўйи бинон» тўйларига ёру дўст ва кариндошлардан 30-20 дан ортуқ кишиларни чакирмаслик керакдир. Баъзи кишиларга тўн кийгизмак, тўйдан нон ва

ширавор олиб кетмак бархам бўлсун.

Хотунларга ҳам олиб кетмаклари учун тузу нон ва киши бошига бир табакдан ош берилмасун. Никох тўйинда куёвдан «шохи улог», ёг пули ва шунга ўхшаш нарсалар олинмасун. Падар вакил ва шохидларга тўн бермак, кизни «вакиллигингни бер», деб кийнамок ва йиглатмок, имом хутба ўкугон чоғда куёвнинг кийиминдан игна ўтказмок, никохдан кейин куёвга кийимлар кийгузмак, «пойандоз» тутмок, кизни ўтга айландируб, анинг олдинда бир неча хаёсиз кишиларга кабих алфозли ашулалар ўкутдируб куёвнинг уйига элтмак каби ёмон урф ва русумлар манъ этилсун. Куёв ўз кийимини ўз уйига кийиб келсун. Келинни ароба билан узатмак мувофикдир. Куёвнинг уйинда келинни олов атрофиндан айландирмак мажусийлардан колгон бир одатдирким, муни бархам бермак керак. Никох кечаси 15-20 хотун-кизлар ётгон бир уйда куёвнинг келин билан бирга ётмоги катта айб ва ахлоксизликдурким, бу одатдан кўл тортмок лозимдир. «Рўйи бинон» куни куёвнинг акрабоси бўлгон хотун-кизларнинг келинни хадя «дастовез»лар билан кўрмаклари ва келиннинг аларга «кийити» номи ила калпок, белбог ёки кўйлак-иштон бериши ортикча таклиф бўлгони учун бархам бўлсун. «Домод талабон»га куёвнинг ўзи 3-4 киши билан бирга борса кифоя этадур. Никох тўйдан илгари хар бир ийдда киз тарафиндан куёвга «таги жога» исмила кийим ва дастурхон такдим этиши ёки куёв тарафидан кизга шунга ўхшаш нарсалар юбориши хожат эмасдир.

Никох тўйиндан илгари киз ҳам куёв тарафиндан хозирланатургон кийим ва уй асбобларига келганда: бу тўғрида бизда ортикча масориф кўбдирким, буларни ислох этмак керакдир. Мисол, куёвнинг акчаси ила киз тарафидан тайёрланатургон «кашида»ларининг кўбиси бўгча ва сандикларда чуруб ётатургон кераксиз нарсалардирким, булардан ёлгуз бир донадан «белбог», «жойнамоз», «сўзана», «рўйжо» ва «болишпўш» хозирлаб, бошкаларини бархам бермак лозимдир. Кизга хар бир кийимдан 7-8 хил тайёрламок керак эмас. Бу тўғрида куёв ўз холига караб ишласун. Яъни кучи етса кўброк, бўлмаса озрок кийим олиб берсун. Андай кераксиз нарсалар ўрнида уй ва тирикчиликка керакли асбоблар хозирлансун (мисол, кўрпа, ёстук, гилам, таом асбоблари ва шунга ўхшаш зарур нарсалар). Бу тўйлар-да «базм» килиб жувонлар ўйнатмокга йўл берилмай, аммо дутор, танбур ва доира чалмок, ашула ўкумок мумкин бўлсун. Тўй хар вақт бекорлик чоғда, яъни халк хизматдан бўшагон вақтда бўлсун.

Булардан бошка яна бир нозук нукта борким, тўйдан илгари мана шунга диққат этмак тевишдир. Ул нукга эса кизнинг ризолигини олмокцир. Хозирда бизнинг мусулмонлар ёлгуз ўз ихтиёрларинча кизларини куёвга бералар. Хатто баъзи виждонсизлар ўз кизларини бойларга сотиб юборалар. Мана шу зулм ва хиёнатларга йўл бермаслик керакдир. Кизни куёвга берилур экан, энг аввал бу тўғрида кизнинг ризолигини билмак керакдир. Кизни ризолигиндан бошка куёвга бермак шаръан ва конунан манъдир. Бу ҳақда гоаят диққат ва эътибор ила харакат этмак керакдир.

ЎЛУК ВА ТАЪЗИЯ МАРОСИМИ

Ўлук ва таъзия тўгрисинда ҳам ёмон урф ва русумларимиз кўбдир. Чунончи, кабр устинда халкга «йиртиш» бермак, кўлга таёк олиб баланд товуш ила йигламок, ўлукнинг акрабоси бўлгон хотунларга аза тутмок учун кўк ва кора кийимликлар бермак, хотун-кизларнинг «гўянда» ва «садр» ила баланд йигламоклари, «уч», «етти», «йигирма», «кирк», «йил» кунларинда халкга ош бермак. Мана ушбу беҳуда одатларнинг барчасини бархам бермак керакдир. Аммо мазкур кунларда ўлукнинг рухига хатми Куръон, дуо ва фотиha килмокдан зарар йўк. Шунга ҳам 3-4 кишидан зиёд одамларни чакирмаслик керакдир. Ўлукнинг энг якин хотун-киз акрабоси 40 кундан зиёд аза тутмай, 40 кундан сўнг азалик кийимини ташласа лозим.

Тўй ва аза хусусинда бизнинг фикримизга келган нарсалар шулардан иборатдир. Бу урф ва одатлар шахар халкига махсус бўлиб, аммо уезд ва сахро халкининг бу тўгридаги одатлари бошқачадирким, биз андан бутун хабардор эмасмиз.

Энди уезд ва шахар шўролари ила мусулмон иштирокиюн фиркасиндан ўтинамизким, ушбу маросим ва одатнинг ислохи хусусинда кенгашлашиб яхши карорлар чикарсунлар. Ва ўшал карорномалариндан бир неча минг бостуруб, халк орасинда таркатсунлар эди. Шундай карорномага амал килмагон тўй ва аза эгалари билан гузар комитетларини масъулиятга тортиб, аларни каттик жазоларга махкум этсунлар эди.

«Мехнаткашлар товуши» газетаси, 1919 йил, 22 март